


創修渭源縣志

第三冊

職官志 名官附

書曰建官惟賢任事惟能則凡受政府命



者豈惟職列通顯躬膺爵服已哉蓋命官以養民命
師以教民也然既有教養之責矣胡為不以傳而以
表也蓋傳以傳其事表以表其人然有其事而表者
固以昭豐功大澤於弗置無其事而亦表者亦以有
父母斯民之任也爰悉取而列之今民國廢教職改
官制而地方官之負責尤重矣名官則附列篇末志

職官第七

歷代官制

舊設知縣以下有縣丞訓導巡檢各一員裁

舊設慶平驛丞一員裁

清代官制

知縣一員 訓導一員 典史一員 經制一員

民國裁訓導典史經制改為縣知事管獄員警佐

職官表 明代以前官無可考姑闕之

清 知縣

李 鴻

直隸真定人
歲貢順治元
年任

張 秉 紀

湖廣東陽人
生員順治四
年任

張 旭

訓 導

萬 戶 侯

咸寧舉人

馬 軼 倫

三原舉人

張 懋 興

典 史

李 國 琛

順天大興人
吏員順治十
年任

韋 尚 賢

江南甯波人
吏員順治十五
年任

諸 國 隆

武 經 制 即城守營

楊 步 雲

文縣人
光緒三十二
年任

石 明

導河人
宣統二年
任

唐 邁 齊

遼東人 生員

順治七年任

渭南人 歲貢

翟鳳翬

山東滋陽人

歲貢 順治九年任

劉顯謨

蒲城人

俞芝

江蘇婺源人

拔貢 順治十年任

一年任

李之培

商州人 歲貢

浙江山陰人

吏員 順治十年任

八年任

趙楫舟

鞏昌清水人

吏員 康熙十年任

四年任

李實

直隸定州人

吏員 康熙十年任

九年任

導河人

宣統三年任

在

李之麟

浙江宣平人歲貢順治十三年任

趙聯瑞

直隸滄州人生員順治十四年任

荆士鉉

江南丹陽人歲貢順治

閔調璽

商州歲貢

王世俊

安定生員

王孫組

朝邑歲貢

崔廣譽

直隸內黃人吏員康熙十二年任

冒淦

順天宛平人捐納同治十年任

馬紀

會甯人保舉光緒四年任

十六年任

馬 謨

河南沁水人
歲貢順治十八年任

蔡芝春

江南甯國府
歲貢康熙七年任

李彪白

張淑孔

靈台歲貢

甘霖淳

平番人歲貢
同治十一年任

周象乾

周正德

四川盤生報
捐光緒四年任

徐楊義昌

江蘇丹徒人
傑舉光緒十二年任

方良輔

湖廣桃源人
舉人康熙十
年任

張宏斌

江南具江人
康熙十四年
任

熊啟詠

湖南零陵人
保舉同治十
年任

四川漢州人
監生報捐光
緒五年任

張子福

西甯人舉人
光緒七年
任

楊國培

會甯人拔貢
光緒十六年
任

安徽桐城人
報捐光緒十
四年任

徵元

直隸饒白旗
監生光緒十
七年任

鄧家駒

四川崇慶人監
生光緒十九年
任

李望洋

福建台灣府
噶嗎蘭廳人
舉人大挑同
治十三年任

劉瑞

順天大興人
振捐光緒三
年任

潘世篤

河南臨潁舉
人光緒三年

韓統善

環縣人歲貢
光緒十七年
任

李潭

伏羌人舉人
光緒二十九年
任

楊學震

漳縣人歲貢
宣統三年任

蔡允之

貴州婺川人
監生光緒二十
五年任

程傳時

四川彰明人
監生光緒三十
三年任

實任

張壽燾

湖南善化人
保舉光緒六
年任

黃元珍

貴州安順府
鎮甯州人同治
丁卯舉人光緒
七年任

龔炳奎

紀洪範

定西人歲貢
宣統三年末
署旋廢

湖南長沙府

湘鄉人附貢生

保舉光緒十年

署

劉 藜 光

雲南昆明人

進士光緒十七

年任

楊 震 謨

湖北雲夢人

保舉光緒二十

二年署

湯霖

湖北黃梅人
進士光緒二十
三年署

姚五經

陝西涇陽人
優貢保舉
光緒二十四年
署

史文光

湖南長沙人
保舉光緒二

十六年署

梅樹南

四川巴縣人由
復廩生徵舉孝
廉方正光緒二
十九年實任

潘力謀

湖南長沙人
保舉光緒三十
二年署

倪瑞璜

安徽合肥人
世襲蔭生光
緒三十四年署

張金鑲

直隸大興人
舉人大挑宣
統元年署

粟國珠

湖南捐納宣
統二年署

陳鴻寶

江西泰和人光緒庚子辛丑併科舉人三十三年以算學專門保送會考及第殿試以知縣即用宣統三年實任

民國縣知事

郭世選

山西汾陽人清舉人元年署

查知縣長齡張大

榕訓導劉榮基典史竇樹槐均因同治二年殉難載入名宦表內漏未登合併註明

管獄員

張爾昌

秋道人清廩貢生以縣丞用二年

警佐

張廣仁

安徽人二年委

宋萬選

阜南人清進士二年署

孫耀章

直隸河間人第一屆試驗及格五年署

馬象乾

陝西長安人第二屆試驗及格六年署

署

常咸恆

陝西長安人清監生報捐典史七年署

白映一

撫彝人法政畢業九年署

胡鉞

陝西華縣人監獄法官考

孫吳

浙江人六年委

章肇基

涇源人八年委

徐士駿

涇源人十二年委

魏懷祖

涇源人十四年委

黎之彦

四川閬中人第
二屆試驗及格
七年實在

黃宗憲

安徽合肥人清
附生保舉九年
署

李仲蓮

合水人清宣統
己酉拔貢保舉

試及格十一
年署

何春

導河人清縣
丞十二年署

胡履中

湖北黃坡人
法政畢業十一
年署

唐文德

導河人法政
畢業十五年署

十一年署

徐東藩

安徽合肥人第
二屆試驗及格主
年署

趙顯祖

隴西人法政畢
業保薦十五年
署

名宦

名宦俎豆學宮非奏聞不入昭其慎也渭邑名宦採
訪所及自明至清存祀學宮者寥寥僅四人其餘奏
與否不可知已夫祠名宦必功德美備若其一二善
政未及上聞秉筆者猶得節採志甘棠之思焉

王淑曾字永晦直隸長垣縣舉人明天啟五年為邑
令性謙讓喜扶持文教與學課藝多士皆游其門一
時絃誦風起文化粲然遷渭橋於城東五里民不病
涉者百餘年渭人感之砌有遺愛碑石存焉

王承忠河南蘭陽人前明時為邑令潔清自守政尚
寬和流寇犯境守禦不懈李逆陷長安分股窺渭城
破不屈賊仍以渭令授公公厲色曰余奚忍違聖主
而從逆乎賊嘉其義亦不加害去之日行李蕭然士
民遮挽

查明代有宦蹟可詳者僅二人故未列表

李令直隸定興人政尚平恕民蒙其澤順治五年獨
變公方議守禦被潛入者執之大罵不屈遂死於難
督撫上其事贈陝西按察使僉事蔭子一

張宏斌江南吳江縣人康熙十四年逆兵寧境劫掠無餘廬舍焚燬居民逃徙山谷公携二僕到官日坐荒解夜宿櫓樓安撫招徠征鴻漸集時簡書旁午飛芻挽粟日無寧晷雖供繕煩億民無怨聲治渭數載生聚撫綏或創或因百廢俱舉治績炳著

長齡 省 縣人同治二年署理渭源縣知縣同治三年狃亂殉節存祀文廟名宦祠

張大榕同治三年正任渭源縣知縣狃亂城陷殉節

存祀文廟名宦祠

劉榮基甘肅天水縣人正任涇源縣訓導同治三年
狁亂城陷殉節存祀文廟名宦祠

竇樹槐正任涇源縣典史同治三年狁亂城陷殉節
存祀文廟名宦祠

張壽燾湖南長沙人光緒七年蒞任即籌貲創建城
隍廟河神祠各工程

劉恭光字照青雲南昆明縣人光緒丙子恩科進士

為官廉明政不煩民不擾光緒二十一年河狃之亂
城中烟戶無多聞警夜逃獨留一官孤城難守移至
高家堡延宿返署上峯彙奏竟以是去官

湯霖字雨三湖北黃梅縣人光緒庚寅科進士下車
觀風課士講授文學因以士執師生禮而官民之風
變焉迨從文明日進先生使然

楊宸謨字少旃湖北雲夢縣人廩生到任閱城一見
東成頓悟請籌款派紳委鄧榮高郭椿王李豔標

楊景熙督工補修其居官嚴明仁正判斷簡當而抑強扶弱除暴安良因之盜賊不生四境安堵

甯金聲字殿珍江蘇無錫人賦性慈祥政尚寬仁視民間瘠苦將地丁每兩折徵錢二串四百文減舊收二百文並稟請立案永遠不得加徵文廟殘廢文風不振公首集鉅款擇派邑紳鄧榮高楊景熙等督工重修祇以工浩款狹歷四寒暑始克蒞事樂觀厥成今日文廟輪奐一新人文蔚起者皆公之培植也

梅樹南字野愚四川巴縣人光緒建元甲戌制科孝廉方正蒞任伊始倡辦學校甄錄人才繼以親臨四鄉稽查戶口編立保甲盜賊斂跡創設寶善濟農等會貧民有賴他如勸民種樹振興農業種種慈善無不畢舉近來士子蒸蒸日上皆公之興學实效如河州鎮守使裴建準其最著者

劉汝霖字幼蓀湖北黃岡人進士出身為官寬厚仁愛因新政煩劇設法籌款開設因利官當以公濟公

後之警學兩款悉由此出永免派累至今民間寔利
賴焉

黃宗憲字石略安徽合肥縣人廉明嚴正不愛一錢
軍涓時正值軍興丁銀尚未徵收忽電撥餉提餉者
隨之而咆哮打罵公挺身而起畧無懼色渠亦知凡
清官不可以威脅以勢凌反託人說頂息事公由存
積俸費內墊付一清未派民間分文獨對盜賊嚴刑
懲治遇搶劫稟後槍決致司法衙門斥責記過公不

稍恤去之日人民卧車攀轅甚至泣下挽留同治克復後僅見者也及首途行李一肩抵隴東旅平渭人開會歡迎歡^送張鎮使重其清操贈贖二百圓辭不受而去

楊國培字簡丞會寧縣人清光緒乙酉拔貢前甘肅楊觀察護省長督辦思之父昔為邑訓導道德高尚學問淵深每月召集城鄉士子認真課藝此方得詩文之衣鉢者公啟迪而善誘之也逢朔望日整肅衣

冠端拱明倫堂教孝弟之義明修齊之道由斯易風
移俗士習丕變始有今之文化也

張爾昌字壽安狄道縣廩生民國三年任邑司法官
白匪擾甘城防吃緊人民惶恐一夕數警縣長宋公
年力衰邁不負守城之責公以一身任之日夜巡城
查戶月餘未解又逢毅軍剿匪過境供支糧草差役
繁擾因差車不敷鞭撻立至傷公頭部血流被面急
潛伏乃得免又每夕查管押人犯並未受一錢時時

嚴飭獄卒如詐索民錢與罪同科去官之日囊空如
洗地方感戴道祖遠送不下數百人直與行政之賢
者同一榮欣焉

人物志

扶輿之氣萃而為人文則人之維繫古今豈不重哉
蓋忠臣孝子義士仁人與夫名賢者逸以及節烈貞
淑或戡定封疆樹鴻勳於奕世或堅貞勿貳効篤棊
於丹楓或俠烈慷慨振千秋之氣節或正誼明道垂
百代之典型敦人紀而培彝倫揚顯而篤明發斯誠
扶綱常於勿替繼名教於不衰懿行方規焜耀萬古
允足起頽風而勵靡俗者也涓雖叢爾亦不可謂無

其人焉爰倣史氏之例列之為傳詎溢美與志人物
第八

逸民

因齊為千古聖人特以冠人物之首

周伯夷叔齊孤竹君之二子當紂時兄弟遜國聞文
王善養老乃入周就養及武王東伐紂叩馬而諫至
周有天下伯夷叔齊恥之不食周粟隱於首陽山采
薇而食遂餓死按曹大家著出通賦云秦隴首陽縣
有首陽山今隴西主事楊恩有首陽辨後首陽縣改

為渭源縣而首陽山割歸隴西境詳輿地沿革表
郭節明代隨建文出亡之臣也建文於夏六月庚申
申十三日未時由癸門出比時願扈駕者二十二
人節其一也君臣奔竄崎嶇晝伏夜行歷滇南巴蜀建
文至樂都之瞿曇寺乃祝髮從者或緇衣禮佛或黃
冠學道或傭身為奴分散於甘肅河湟狄渭間率不
言姓字節始為干敏溝董商戶僕後家於郭家灣晚
入秀峯山採南山色澤不同竹五種移植禪院因自

號曰五竹僧今其裔數十家皆供五竹僧像謂之逸
民不其然與

論曰孔子稱逸民寥寥僅數人而以夷齊冠其首
尚已後世以隱士當之然逸民立傳始於范蔚宗
皇甫有高士之述張顯有逸人之紀誠以嘉遯之
士其志悲而其用心亦良苦殆所謂無用以為用
無為其所不為者與

鄉賢

明

張文泰嘉靖癸未進士員外張安之孫桐柏令張鶚
之子也少穎悟善詩文學行端方言切世務有五竹
遺稿祀臨洮府鄉賢

李成蛟字升龍由吏員任四川龍安照磨特科第寥
寥公請之太守伍公遷學廟於府治南一時人文蔚
起登科名者相繼不絕番夷侵掠圍郡城大將喪師
公謀之兵備謝公曰蛟邊人也習於戰願將兵破之

即授以兵符隨提參軍三年且戰且撫直驅蠻於三
百里之小河堡全師解圍而歸督撫保陞雲南水司
丞後致仕歸年八十四歲而卒

在瑞任四川南部知縣為人剛方厚重跼步不苟動
以道義自繩後學咸仰為紳宗晚年得子子授河南
嵩縣主簿公壽至期頗稱為仁厚之報

清

侯明弼監生乾隆三十八年邑大飢明弼捐粟三百

餘石以助官粥四十五年小南川遭雹灾佃戶積逋甚多遂焚其券救濟窮民無算邑令以古道是敦表其閭

温孝伯咸豐末高士也性慈善遇殮無槥寒無衣飢無食者周濟之不惜囊中物後家財分施淨盡則典賣田產以贍給顛連無告之人尤好放生凡有捉禽獸昆蟲者出錢買放之彌留時子以無棺為慮迺囑之曰吾自有棺沒後爾於南河灘覓之子依命忽暴

雨水漲果有大木順流而下載歸之招匠製作修短
合度尺寸不差一時傳為奇談

石懷璋字寶珊清光緒丁酉拔貢癸卯科舉人少時
出就外傳即英邁絕倫每讀書雙行俱下弱冠食饌
肄業蘭省求古蘭山五泉各書院屢列第一拔貢朝
考二等以直州判用不就後領鄉薦赴京覆試名冠
全國為甘肅會試士子破天荒也著有詩文雜作事
親盡孝稟命承教溫柔和婉待弟友愛尤得父母歡

心嘉言懿行不勝枚舉

楊隆字浩然歲貢生性質樸嗜學不倦同治回變隨
父母避亂至半途遇賊父被害冒鋒刃奪屍瘞埋之
迺負母奔溫家川賊在山後各村殺人放火時夜深
市人尚酣夢急匿母於僻處沿街大呼救活千數百
人後逃至漳縣與戚李百笏等謀雪父仇糾練團勇
與賊先後數十戰奪獲軍器布帛馬匹無算賊相戒
不敢來犯亂平歸里晝為人傭夜誦書史游庠食餼

設帳育才德容古貌望之如秦漢時人且慈惠天成
一客商宿鎮邸患病沈重店主令搬出外滙憐知其
情卽命子昇至家延醫療治病乃痊如此類者甚眾
年八十三而卒

李榮字耀山世業農居邑北二十里之李家堡頗豐
饒樂善好施道光咸豐間兩次歲荒每晨起懷乾糧
登高山俯視左右貧不舉火者卽抵其廬出食食之
或呼其主携囊至家給以菽粟鰥寡孤獨疲癯殘疾

之人尤三致意焉復多製棺木以資貧戶之喪蓋邑
人感之同治初年回亂方作聚鄉人告之曰此次浩
劫恐非尋常昨訪得南去數十里有漫灣之地懸崖
數丈上可居人亦可藏穀集壯士守禦路口賊莫能
逼洵天造險要也所少者食物耳為今計各徙穀實
之岩穴一聞警即趨赴據險而守逃生善策也無穀
者請徙吾粟倘依戀不決悔無及已眾皆迂之獨李
家連日運粟積於石窟中亂至携家以入迨邑城臨

村落破碎流民奔來就食榮曰此非佳兆食盡將自相魚肉迺捨穀遠適眾貪於食穀不之阻遂逃居漳縣之朝陽洞時方閉糴無所得食集子弟議曰吾家百餘口無食何以為生今擬分途而走或可幸免遂如命既而悉脫鋒鏑之禍無辱賊手者當妖氛之初起也人多昧昧憊室廬惜器物不忍遠舉高飛獨幸民始也盡室以行終也保全以歸豈非積善餘慶自天佑之乎抑亦料事明而審幾決也洵一時之卓卓

者與

李鳴鶴字侯仙李榮之次子好賑濟窮乏一如其父鄉之善士也免孫繁盛中武舉者二人並文武同科入泮者六七人邑令黃元珍贈聯云多培元氣人增壽廣積陰功後必昌至今傳為美談

李錦標字果卿鳴鶴之姪清其科武舉部試兵部差官同治二年至歸化城聞回變星夜馳歸時家屬避亂漳縣之朝陽洞外被賊困內無糧食乃奮力殺散

卷八 人物志
七

賊眾救活性命無算賊自是不敢窺伺朝陽洞亂平
旋梓壑荒招徠邑民賴之設教授徒率皆造就魁岸
豐偉不樂仕進晚年頗好佛云

王維真字定侯歲貢生學問淹貫剛直不阿初授華
亭縣教諭繼升平涼府教授每逢朔望傳集諸生登
明倫堂宣講道德仁義開平涼文化之先聲同治亂
後東請上憲撥款在北寨附近招輯流亡闢地墾荒
築堡寨以衛盜賊鄉民賴之

楊培芬字子英賦性剛直不畏強禦弱冠遭同治之亂投入范軍精銳衛隊攻綠麻並狄道永寧橋之役奮勇爭先屢立奇績論功行賞升任正哨官保把總繼保千總左候來甘遣散舊部復投入湘軍左路左營充親兵什長適同事某犯令擬斬公脫之遷怒於公罪論抵償經眾求救始改刑杖痛責無數迨緩刑而腿肉腐爛不能行走腿肚傷重死而復活瘡痍愈時膿血流十餘碗後左營被裁家於涇源縣城常勉

後進曰古人稱刎頸交者莫如廉蔣予以身試之願
汝輩效法古人雖死猶生也况未必死乎公飽嘗艱
險無志進取一意經商由此家道小康遇士則優禮
有加凡鄉會試及貧乏婚葬者必傾囊以助荒年周
濟倉箱告罄又轉貸素封以賑之鄉人感德贈樂善
好施等匾額公沒後朝政改革逢廢揚曠典
大總統題褒高山仰止四字以闡發幽光
張澄海字清臣邑東鄉鉅家鋪人精醫道師古自沈

居家肅穆治病不言謝有無皆與藥活人甚眾光緒
初年為永義堡首領時有居民崔姓在劉姓之瓦窑
煙囱中拾得銀數千兩夙夜送堡首清臣銀百兩清
臣力卻之曰非義之財吾不受也古云臨財不苟其
猶見斯人哉

論曰書契五善終於旌賢能涓邑藁爾雖名臣碩輔
邈焉無改而瑰才琦行在國在家原無異致昭往
哲式後進不可闕也昔楊叔山倡教狄道而英賢

輩出渭與狄為隣壤百世下當有聞風而興起者
乎高山景行低徊留之矣

忠義

明

漆堅任四川重慶府照磨蜀賊反領鄉兵力戰死於
難事平同察皆賜贈祀堅不與焉

朱光現明代生員也平生正直鼎革後閉戶絕交足
不履城市及薙髮令下遂告家人曰公令所在不敢

有違吾老矣受朝廷之爵藏我於密室中勿令人見
以成全受全歸之志可也嗣後查禁愈嚴眾人迫之
迺仰天歎息遂不食而死

朱濟字百川與光現同時書生亦以薙髮不屈餓死
聞者義之

清

侯得明邑廩生同治回亂得明為賊所執要索金得
明日吾寒士也焉有金賊剗其目拔其舌至死罵不

絕口

康應龍年八旬餘精醫有盛德狄河間患病者為所療治不下千百遠近呼曰康神人回族亦常延以療病會賊迫城下戒勿傷康神人城破康見賊大罵卒死於難入祠

康錫嘏即應龍之弟道光庚子舉人有氣節勤學問同治三年城陷被拘罵賊不屈而死所有著作盡付灰燼入祠

侯爾正監生世居官堡回亂家人欲逃匿山中爾正
獨不去曰吾父母已死何以生為及賊至懸父母影
像肅衣冠再拜自縊

朱子正名建中邑廩生居小南川納灣里回亂遇賊
括財物子正誑之曰我有物在草中隨我往取引賊
至祖墓迺大罵曰汝等叛逆王法所不宥吾得死所
矣急殺我賊怒殺之

張鳴鶴咸豐壬子科副榜才華富麗工詩文同治四

變劫難著作無存

侯化棠同治辛酉拔貢才識明敏志性激烈遭變不
屈賊害之臨死罵不絕口

徐立晉邑廩生常登樓讀書三年足不履街衢工詩
古文辭後設教渭城裁成英才甚多回亂城陷立晉
正居書樓知事不可為即撲火死之

李光岳邑廩生同治回變罵賊死節

李宗岳邑廩生光岳之弟兄弟同時殉難一門雙忠

可以風矣

康承泰貢生同治三年城陷撲城而死入祠

楊際春邑增生同治回亂至沙達里際春率團擊賊
中炮而死入祠

楊三官堡人同治回變舊有回族百餘家在鎮者欲
起而應之楊三糾合盛麻唐即際練團堵禦賊不得逞

後以賊眾乘間力不支卒死於難

按楊三是否即楊際春宜再查註緣

此次局設平涼未及親至其地訪詢殊款然也蓋二
人而作一人固不可一人而作二人亦不可

盛際唐邑廩生有膽畧才識過人同治回亂與楊三編練團防保衛閭里時有少數賊來犯君出奇敗之賊憤恨約大股回匪搶掠盛楊二家燒燬房屋婦孺被戮殆盡村人逃散君以身奮聞得免然已無家矣
慘哉

張廷傑字漢三光緒歲貢生同治回亂在北鄉姚旗里擇險洞招集村人團聚並將壯丁練成義勇遇賊擊退因以全活多人後賊氛稍靖卜宅渭城北關即

督修渭川書院集款興學今其孫兆帥勳烈彪炳現
任隴東鎮守使咸稱忠義之報云

論曰殺身成仁志士標其勁節舍命不渝邦彥稱
於風人椒蘭委灰芳烈斯振矣若乃一介之士效
命疆場如秦堅楊威諸公或得旌或未旌其身亡
其名不亡嗚呼可以傳已

孝子

明

李敦幼喪父獨母陳氏撫育成立敦事之菽水親捧
起居親扶定省溫涼歷終身弗倦及母歿廬墓三年
朝夕拜泣萬曆二十八年直指旌其門

喬漢儒庠生家貧父早亡母侯氏既老儒躬耕侍養
誠敬不衰母歿後膝行搬土廬墓三載縣令張扁其
門曰孝德可風

清

任四狗慶平里孝子也世業農父死於虎迺習為鳥

鎗誓殺百虎以報父仇久而成絕技四自少至老計
所殺已九十餘虎而不能滿百迺裹糧入深山結茅
以俟忽一虎咆哮至鎗不及發幾為所噬俄雲霧晦
冥若有神人呵虎去兼責四過殺者迺歸而焚香瀝
酒告其父靈並戒子孫徒弟世世勿復與虎仇也遂
溘然寢虎皮而逝事在康熙雍正間狄道吳松崖詩
集中古歌有渭源孝子任四狗手持鳥鎗殺百虎之

句
錄通志

崔琪諸生隨祖登鄉試中途祖疾甚劇琪取糞嘗之
告醫以味苦可治醫感其孝盡心療治而愈後祖卒
父拱辰亦相繼亡琪廬墓三年乾隆七年旌表
楊佛保岷峪川農家子也齠齡即能敬親年十七父
母相繼去世家貧甚無以為殮迺以傭為質貸貲而
備衣衾竟得厚塋葬後數年猶不時嗚咽於墓側聞
者為之流涕

李國英字俊卿邑廩生家殷實世守耕讀為邑望族

母先亡繼母王氏國英事之極其誠懇布置家政必一一秉訓而後行不致稍拂繼母意清特科孝廉方正里邨咸以國英堪膺其選公謝之曰吾母所需皆祖父所留遺吾惟勉循具文而已實於慈闈不能無歉也孝廉二字豈敢當若無其實而邀其名慙孰甚焉力卻之僅以一衿終其身

李豔標字杲臣清光緒乙酉科武舉即鳴鶴之三子能文能武尤精算術教授生徒入庠者頗多事親極

盡孝道父母欲有所食不憚數百里必購致之父病重遺矢於床用手掬之洗穢滌器之風其猶見斯人哉

張純融父早逝其母晝出耘田恐以為勞往來負而行之後有腰疾家病無裊褥晝夜以手扶之平日親侍湯藥有鮮食必先供母至臨終奉養毫不少衰居喪哀痛異常鄉里稱之

周鳳儀字敬臣幼年從母避難拾遺穗以自給每食

讓母先見者異之年五十猶觸懷攝乳為孺慕態母
沒見母涕輒感觸泣涕四時餽遺不絕父有難日走
數百里告急當道水漿不入口者三日及難解始食
清末土匪擾渭輸百金助城關守禦資嘗督工修城
至日肝忘食把若衣藥棺木之施道路橋梁之葺好
行其德日有孳孳大則創立寺廟小之放生禽魚即
僧道獄囚亦資周濟歲甲寅邑宰以先生孝行聞之
上峰轉達政府蒙褒以先意承志四字在他人以為

卷八 人物志
榮甚而先生則入蓮峯山為僧若弗聞也者自號覺
元上人辛酉衣冠坐化遺囑塋清聖側

論曰古者富貴而名磨滅不可勝紀鄉曲之士孝
行克敦不求名而名自歸之表厥宅里樹之風聲
綱紀之首王化之端也若任氏殺虎以報仇崔琪
嘗糞以求醫雖未及表揚亦比古人立懦之節矣

文苑

張銓字子衡靖初廩生將軍兆鉀之太高祖也家貧

博覽能文嗜陽明之學四方負笈受業者數百人晚年家景蕭條猶誦論不輟其篤信好學蓋出自天性云錄家傳

張維字武臣清廩生將軍兆鉀之曾祖也髫齡能通經史工古文辭文章道德負時望者數十年錄家傳

張凌霄字步九嘉慶歲貢生設帳多年凡執經受業於門者咸造就邑舉人康錫嘏其首徒也河神祠後三岔路口豎立碑石題望重鄉閭德教流芳八字

郭姓遺其名大學生嘉慶時宿儒也鬢髮皓皓設帳課讀雖盛夏不釋衣冠終日危坐桃李盈門入庠食餼者甚眾晚年築一小室專研四子五經足不履家庭著有四書管窺二卷燬於同治兵燹

何琇邑北鄉河家岔人世守書香篤孝行尚德惠道光初公舉孝廉其嗣孫效梅歲貢生躬教讀貧者不受束脩間有赤貧而資優者留館授食以成其材鄉人感德爰立碑誌

郭椿琳字壽庵同治初避亂游京華事平歸里應試
既至則試期已過遂投籍隴西入泮第一宗師批字
歷十屬的是館閣規模生平樂道安貧設帳渭城多
識博文自是後學發達皆賴啓導有以流傳也由歲
貢選授訓導未到任而卒

李百筭字松鄉鳴鶴之長子清增生工詩文聲名藉
甚好施與關恤困乏如其祖父成就後進尤眾舉人
石懷璋即其婿也每遇鄉會試贈以川資不下數百

金

樊衡字香亭恩貢生學問淹貫晚年杜門著書專攻性理學

李兆庚字夢西邑增生善詩工書法孝於父母友于兄弟

常南坡名健字乾齋邑俊廩生卜居小南川山陽之半故別號南坡回亂起避至階州訓蒙還里後仍以課徒自給博覽廣識人有疑義多就質之書法最得

力於行草鄰封韻士每以得南坡數行書為快成就
士子甚多

朱映彩字鏡五邑增生南川五竹里人性慈好佛設
教縣北關循循善誘造成菁莪之士惟公門下最盛
羅澣江邑廩生教授義塾多歷年所對於貧家子弟
尤為認真

吳炳文邑廩生東鄉人篤志好學父子兄弟聯登事
繼母純孝家貧甚身傭妻苦晏如也清末革命鬱抑

成疾而死

論曰聖門文學尚已其後馬班韓柳歐曾輩咸以
文章著士來髮受書慨然以古作者自命乃妻子
任官消磨精力歲月駸駸頭顱已白文雖小道能
挾鉛槧以圖名壇坫者蓋亦難矣烏鼠渭水之間
落落十餘人才有小大國亦一邑之彥也

懿行

按逸民而下至士商俱互有出入

特舉其優者
言耳

張守仁字樂山將軍兆鉀之高祖也性至孝善為察
者鬻財之術然稍有所積輒斥散之以周人之急故
終其身無以一錢遺子孫者其清貧亦如父銓云

蘇鏡湖咸豐歲貢生六麻灘人性剛直不畏強禦不
論富貴鄉間或爭田產口角而興訟者竭力排解之
即命案大件亦必設法勸散不令成訟鄉人慕其德
為立懿行碑

柯海臣北鄉人私淑仿古仰繼先志荒年計人口與

之粟俗多迂之海臣常言財貴積而能散值同治回
亂奉母遠走眷口數十無一遇難者殆天之報施善
人與

鄧榮高字嵩山陝之西鄉人也同治間從戎西征累
功至副將光緒初年退休歸田卜居渭源城內溫和
純樸智勇兼備樂善不倦凡遇邑中公益皆以身先
之文廟祠宇城垣諸工俱首任其勞洵一邑之善士
也

張福字壽山性和厚樂善好施鄉人有訟者力為排
解恆捐己貲以息兩造訟事狄渭通衢有川水一道
夏秋泛漲行旅苦之公捐銀建輿橋一座涓隴衢道
亦每為此水所苦舊橋圯公又獨力重建里有關帝
廟文昌廟燬於兵燹均募捐監修輕財任勞洵不數
數觀已

王榮字華亭清者賓居郝家山性剛直好施與春耕
不足者補之秋斂不給者助之無力婚葬者酌量借

貸不計較錙銖監修漫平山雷祖殿淑辦常家灣國
民學校籌貲募款白髮皤然奔馳崎嶇任勞任怨始
終不懈卒底成功其猶有古風哉

張進德字慎三清者賓居六麻灘同治亂後隣近十
數莊無一識字者進德捐貲建立書院一所延聘教
習令子弟皆入校訓授十餘年薪金伙食及一切需
用之費皆進德一人擔任之始終如一日成就英才
甚多嗚呼慷慨出貲以教他人之子弟十餘年而不

倦此豈易得之晚近乎哉

章錦瑞字子文性誠樸剛方自守里鄰爭持不憚苦
口勸導必使兩造息爭而後已凡遇訟事官長不能
斷決者得公一言兩造悅服事後或有備禮物來謝
者均斥不受前邑令梅樹南甚重之升任時親筆題
贈質真好義以彰其行

劉進禮字信強尚謹耿介取與不苟喜作慈善事與
修文廟慨捐鉅資並勸助各工道路橋梁有傾圮者

不待紳請官委命行修補歷年如是前邑侯陳公重
修縣城特委君為總理事經兩載嫌疑不避勞怨不
恤至今城垣畢具樓閣巍峩皆君之力也

葛毓英字俊卿生平熱心公益鄭重斯文常為鄉鄰
排難解紛前令梅公委建五竹區學校監督派工事
屬鞞舉間有阻撓出惡言者君不與較興學熱忱未
稍退梅公極為嘉許贈以里鄰息爭匾額

論曰鑽核封內佩鑰奠礎雖擁金鉅萬徒為有識

者所鄙為其專利而不為善也或曰今之為善者皆
好名而已夫求士於三代以下惟恐不好名彼好名
而為善猶愈於不好名而為不善者況乎為善固不
盡出於好名哉一行之美錄而弗遺以云勸也

列女

節烈賢母孝婦

隋

柳氏渭源令裴備之妻也隋末薛舉倡亂倫遇害柳
氏泣謂婦人女曰我輩遭此禍亂命也倘辱於賊其

若汝父之死義何遂相繼及井而死余作詩弔之詩載藝文

明

張氏桐栢令張鶚之女進士文泰之妹也少讀內則
雅嫻女訓歸郡庠生劉翊夏為妻惟謹惟勤翊夏陞
病年餘躬侍湯藥即滌溺洒掃不委臧獲籲天請代
夏竟不祿氏遂屏絕服飾哀毀骨立幾死復生竟成
疾而卒遠近聞風者莫不為之嗟歎郡守南敦李公
扁其門曰貞節

張善猷妻夫早亡氏敬奉孀姑耕織自營每食自粗
糲務以甘旨奉姑姑嘗慰之氏曰婦道宜然實欲代
夫以供子職耳黽勉二十餘年及姑亡塋祭皆有禮
邑令額其門曰一鄉孝婦 來冊未註何姓

王氏里民翟麒之妻麒早亡父母俱存家貧如洗氏
年方十九有遺孕常誓曰生為翟家婦死為翟家鬼
後生子蒂氏上事舅姑下撫弱子十六年子蒂游泮
孝養翁姑至老不倦邑令扁其門曰節孝雙全

清

朱天之妻侯氏年甫十六嫁七月而喪夫後歸寧母
以朱氏相呼其嫂笑曰夫已逝矣尚不知為誰氏之
妻氏聞之即日言旋矢志靡他以其兄之子耀祖為
己子由是棄奩毀粧獨處一樓雖娘親探望祇倚欄
相應朝夕飲食惟姪子一人進奉後姪子為岐山縣
訓導請表其節小官場建立牌坊遺蹟尚存
康氏前海原縣知事楊景熙之曾祖母狄道北鄉三

旗里紅灘女也少時貞靜寡言聰慧莊雅不與鄰女
作戲笑歸楊門妯娌六相處最和且勤女工助內條
分縷斷生子二氏年二十七而喪夫矢志柏舟夫之
弟媳嫉能壘弟適再醮氏不從暗引多人扛至某家
氏乘人不備逃歸黑夜莫辨二子尚未睡含泣飲恨
今子興潛啟門墜崖殉節見者莫不流涕光緒間秋
道修縣志以強族逼醮墜崖隕命八字載入節烈
陳梁氏北鄉人陳自新之妻同治四年三月十六日

陝賊竄入大寨堡氏撲火全節入祠

李張氏李格林妻也涓邑最名富家同治回亂被賊執縛逼問害白鐵處肆行拷掠備極殘酷身無完膚終不屈且罵不絕口賊怒投火焚死入祀節烈祠

張氏妻適母家姓并夫名居馬家莊十六歲歸張姓翌年夫隨官遠遊渺無音信氏事翁姑溫清定省滄滄繁蕪虔恭精潔愉色婉容克盡孝道以堂兄之子為嗣撫如己出治家嚴肅整齊稱小康年踰六旬髮

白如雪適回難避竄馬家窪炭窰中被賊刺死
郭龔氏郭富邦之妻同治回亂夫為賊害氏年三十
餘子至元方十一歲時賊氛甚急婦攜子奔竄崆
峴餬口洮岷冬碎榆皮夏掘草根以度朝夕後又流
落寧伏數米拆薪備苦楚恆藉十指所得購置書籍
筆墨令子入塾讀書亂平歸里為子成室訓媳如己
出媳亦孝謹每食必問所欲節婦晝理農務夜勤女
紅終其身如一日課孫雞鳴盥漱黃卷青燈風雨不

輟壽至七十一而卒

葛何氏柳家寨葛毓蘭之妻年十七歸葛姓十九歲夫歿生子一名秉愚甫週歲塋夫之日氏抱兒泣語舅姑曰媳命蹇夫夭折幸遺一男如長大成人則嗣續宗祧亦可紹箕裘而綿家聲媳雖愚亦畧聞三存之說甘願孀居守節養老撫孤以慰堂上之懷報泉下之義從此荆釵布裙不苟言笑事舅姑先意承志量租計傭秩然有條課子入塾嚴戒嬉游凡立身處

世多鬚眉丈夫鮮及處孫四率內潤外朗循規蹈矩
皆節婦之報也

陳氏梁順娃妻居邑東鄉盛家坪六歲聞鄰家子讀
書頗愛之惜無女校遇有知書者來家即問女子應
讀者何書告以女兒經女論語等書遂求其父力購
之見鄉老識字者詢問再三越兩年所知皆讀且解
其義故於婦女應盡之道洞悉無遺焉然沈靜寡言
若無所能者其幼而好學有如此年十七歸梁姓夫

懦家貧鄰患配非其偶迺陳氏至其家衣百結食藜
糲晝而耘田夜而締麻語如也間有佳餚輒留以進
翁姑未幾翁姑相繼棄世其哭泣之哀無不盡禮後
事叔父母一如其事翁姑初于歸時夫屢晏起輟於
耕耘恆婉言相勸勉以興家之道且曰不如是有泰
為子為婦由是翁姑樂其孝丈夫稱其順鄰里有反
目來相訴者悉曉以大義其事親相夫睦鄰有如此
民國十三年臘月其夫因納冰暴卒節婦拊胸號泣

遂盡己所有將衣衾棺槨料理完備鄉人驚駭每勸
夫已逝矣汝當活人度日節婦不應日未終即哭不
成聲水漿不入口親戚廻環勸慰似有回生之望惟
語人曰如翁姑未逝尚可以事親子嗣若有尚可以
撫孤翁姑逝矣子嗣無人夫又若是生何以為與其
壽也於人世豈若相夫於九泉之為得也勸者曰是
則是矣方今世風日下富貴之家咸以死節為迂汝
或死節其誰知之氏曰我生不辰又求誰知俟命而

已先是節婦踴躍甚急防之亦甚嚴嗣婦力竭氣衰
守者稍疎見其整衣修容鄰親心為之放迺於夫歸
窆之翌日潛投水窖而死越三日合夫塋之其從容
就義有如此

何氏郭壽庵之妻夫亡子幼氏安貧課子守節三十
餘年子成立壽終古稀

馬王氏夫亡守節終身光緒三十年請旌

周龔氏守節四十餘年八旬有四已請旌

侯瑞妻劉氏孀居同治三年回亂賊欲辱之氏罵不絕口至死不屈

侯甘棠妻張氏年二十餘夫死誓不欲生哀慟過甚未匝月而卒

李李氏武庠李清標之妻生子方十歲而夫卒戚友咸以家事為慮謂婦少子幼不能繼也氏拊棺泣曰蹈白刃而死何若撫子成人而後死夫已逝矣教子惟我理家亦惟我後十餘年家之商業日盛農業亦

興隆師課子終以成立修夫墓泐石以誌不朽卒踐
拊棺之言閭里稱之惜不幸而夫早亡遂以節顯也
已請旌

李李氏武舉李豔標之妻年十六歸李門生一子早
夫未十載夫病急鄰人曰糞之甜苦可驗病之愈否
氏即嘗其糞泣而憂之夫卒族人欲奪其志終不屈
或曰無子何依氏曰守節在心豈關子之有無乎若
有子而守無子而去是守子也非守節也勸我去者

皆以財溺心便以我為障礙數年後我就木焉豈能
帶去一文乎族人慙而退苦節四十餘年內外無間
言並修夫墓泐石以垂久遠 已請 旌

馮尚氏前平涼畜稅局局長馮應元之母也肅容端
謹持身潔白青年賦黃鵠矢相舟節平生喜作善事
負債纍纍氏不之怨日惟苦力耕田夜獨針黹積存
餘貲悉數償清債主至今氏子應元克承父業皆節
婦之教也 已請 旌

論曰薰膏就燼委灰逾芬卷施在陸拔心不死嚴
霜戒塗斯貞幹揚其勁節矣明清遞興名教彌厲
若康氏之墮崖殉節張氏之炮烙不屈騰芳首陽
又其慘焉者至迺遭逢多故丁此仇離闔門引節
赴死如歸姑媳子女并命同日督井之迹將夷綽
楔之旌未逮柳氏一家尤足傷焉

賢母

張劉氏歲貢張漢三之妻將軍兆鉞之祖母也幼有

其氣年十六歸張門事太翁姑及翁姑能盡婦道同
治回亂氏携鄉鄰婦孺匿崖窰中賊燭薪薰窰氏當
窰口左鬢受創猶手持簸箕盡力扇去烟燄眾賴以
免賊又從崖上穿穴幾達窰頂氏情急手執繩令其
姪及眾縋而下逃去者十八人而已預備自焚適夫
漢三符信率團至奮擊賊始退未逃者得全後避漳
縣西和雨姪俱孩童背負懷抱備極劬勞終不忍釋
嘗與其婦為人縫紉或耘田以為養治家嚴而有恩

處婦如無間言賊平歸里恢復先業劉氏之功尤堪
沒世不忘云卒年八十已請旌

趙氏楊景熙之母也性慈惠家有餘積即分散貧窮

每遇荒年施米粥致倉箱告罄甚至將家需米糧一
升半斗散賑青黃不接之時且器重英豪凡其子景
熙交遊者遇名場無貨應試者氏為量力贈助以故
鄉里稱為賢母已請旌

李氏拔貢周文炳之母也年十六歸鳳儀為妻晝出

耘田夜入折麻家貧無燈每於月下補衣對香火以
穿針遇農忙雖手腫不輟也事翁姑昏定晨省無時
或缺姑病奉侍湯藥數月不就寢逢有佳餚奉親之
時即遣孩童避席而退食畢始得就側子自學校歸
必命背誦所課之書夫好施與遇善舉氏即贊成之
已請旌

楊景熙之妻王氏事舅姑至孝姑疾常侍湯藥自歸
楊家以至姑告終之年氏已五旬有二孝道未嘗稍

缺姑在日性最烈子孫有不勤讀不力耕者醵杖重責氏代跪請罪俟歡顏方起閭里稱之已請旌章氏張萬清之妻也年十四于歸時亂家貧每得菜羹糲飯忍飢以奉舅姑舅姑愈加憐愛其避亂而之西和也晝從姑耘田挑菜炊爨夜執鍼紉如是數年亂平返里姑勤於治家氏嘗請息勞遇事務以身代處娣姒怡然敬讓既而舅歿姑亦寢疾夫忽去世氏茹哀忍痛猶復躬侍湯藥勉承色笑秘而不使姑知

其孝而識大體類如此今其子兆驥現在隴東鎮守
晉使加將軍皆賢德之報也 已請 旌

論曰自劉中壘傳列女范蔚宗因之列於正史然
婦人無外事除貞節之行猶得援例膺旌而賢懿
明淑之德不出畿國往往失傳幸而子孫顯達倩
名人碩士為之表揚使有藉而永於後然亦僅矣
晚近士子喜新厭故自命不凡一旦臨小利害輒
趨然趨避不復顧忌甚或好貨財私妻子不顧父

母之養其尚能周人之急濟人之困乎而里巷婦
女非有禕狄之榮詩禮之教茹苦甘勞與之終身
忍飢以奉高堂機紡以訓兒嗣苟有所蓄恤孤賑
貧毫無吝色其賢不肖何如也嗚呼可以愧矣

